

Rasulullah contoh zahid, tawaduk

Oleh : Rohani Haji Abdul Hamid
Foto : Mohd. Zul-Izzi Haji Duraman

BANDAR SERI BEGAWAN, Sabtu, 10 Januari.- Tidak akan berterusan kejayaan seseorang itu menerusi perang dan siasah jika seseorang itu tetap bersikap angkuh, bongkak dan besar diri.



PENCERAMAH undangan dari Pusat Da'wah Islamiah, Awang Ali Hassan bin Mohd Said ketika menyampaikan ceramah bertajuk 'Mencintai Rasulullah Sallallahu Alaihi Wasallam Meraih Kecintaan Allah 'Azza Wajalla'.

Sifat Nabi Muhammad Sallallahu Alaihi Wasallam adalah contoh yang sentiasa zahid dan tawaduk sejak permulaan hidupnya hinggalah akhir hayatnya.

Porkara tersebut antara yang disentuh oleh penceramah undangan dari Pusat Da'wah Islamiah, Awang Ali Hassan bin Mohd Said ketika berceramah yang bertajuk 'Mencintai Rasulullah Sallallahu Alaihi Wasallam Meraih Kecintaan Allah 'Azza Wajalla' pada Majlis Sambutan Maulidur Rasul Kementerian Kesihatan dan jabatan-jabatan di bawahnya di Dewan Al-'Afiyah, Kementerian Kesihatan, di sini.

Ahli Psikologi telah mengkaji kesan membaca Al-Qur'an terhadap pesakitnya selama tiga tahun itu katanya, pesakit itu tidak beragama Islam dan tidak pandai bahasa Arab yang mengalami masalah tekanan dan kemurungan dan pesakit itu disuruh menyebut empat huruf Jawi berulang kali iaitu Alif, Lam, Lam, Ha (Allah).

Menurutnya, hasil kesan kajian sebutan huruf Al-Qur'an telah memberi kesan lega terhadap pesakitnya yang mengalami masalah



MENTERI Kesihatan, Yang Berhormat Pehin Orang Kaya Johan Pahlawan Dato Seri Setia Awang Haji Adanan bin Begawan Pehin Siraja Khatib Dato Seri Setia Awang Haji Mohd. Yusof semasa hadir pada Majlis Sambutan Maulidur Rasul Kementerian Kesihatan dan jabatan-jabatan di bawahnya di Dewan Al-'Afiyah, Kementerian Kesihatan.

tekanan dan kemurungan.

Hadir selaku tetamu kehormat ialah Menteri Kesihatan, Yang Berhormat Pehin Orang Kaya Johan Pahlawan Dato Seri Setia Awang Haji Adanan bin Begawan Pehin Siraja Khatib Dato Seri Setia Awang Haji Mohd. Yusof.

Majlis bermula dengan bacaan Surah Al Faatihah dan diteruskan

dengan persembahan Dikir Syarafil Anam bagi meraikan salah seorang kakitangan Kementerian Kesihatan yang telah memeluk agama Islam iaitu Dayang Masni binti Biju beserta keluarga berbangsa Dusun dan memilih nama Islamnya, Dayang Nur Asni binti Muhd Isa.

Turut hadir Setiausaha Tetap

Kementerian Kesihatan, Datin Paduka Dr. Hajah Norlila binti Dato Paduka Haji Abdul Jalil; Timbalan Setiausaha Tetap, Dayang Dr. Ijah Rahmah binti Haji Mohd Said; Pegawai Tugas-Tugas Kanan, Awang Haji Mahrub bin Haji Murni, ketua pengarah dan pengarah-pengarah dan kakitangan Kementerian Kesihatan.

Majlis sambutan Maulud kenang jasa-jasa Rasulullah

Oleh : Hajah Siti Zuraiha Haji Awang Sulaiman
Foto : Haji Masmaleh Haji Mohd. Ali

BANDAR SERI BEGAWAN, Sabtu, 10 Januari. - Majlis Sambutan Maulud Nabi Muhammad Sallallahu Alaihi Wasallam tersebut diisikan dengan Forum Maulud Nabi bertemakan 'Mencintai Rasulullah Sallallahu Alaihi Wasallam' yang disampaikan oleh ahli-ahli panel terdiri daripada mahasiswa-mahasiswi UNISSA iaitu Awang Haji Mohd Khairul Nazif bin Haji Awang Damit, Dayang Widad binti Haji Abd Aziz dan Awang Muhammad Yadiy bin Mat Yassin, selaku Moderator.

Forum antaranya menyentuh mengenai bagaimana cara untuk umat Islam mengambil teladan daripada Nabi Junjungan Besar kita, di samping mengetengahkan cara Rasulullah mendidik para sahabat sehingga mereka mampu menjadi manusia terhebat dalam sejarah iaitu antara faktor tarbiah Rasulullah itu

ialah dengan mempunyai akhlak yang terpuji yang menjadi ikutan para sahabat selain menyampaikan ilmu dengan ikhlas dan jelas tanpa ada

yang tersembunyi.

Majlis juga diselenggarakan dengan pelancaran Sistem Pengurusan Universiti (UMS) UNISSA, yang mana sebelum ini proses-proses pengurusan universiti telah dibuat dengan gabungan sistem komputer dan secara manual.

Dengan adanya UMS ini, semua proses-proses utama telah disediakan dalam satu sistem bersepadu dan antara objektif UMS adalah meningkatkan mutu pentadbiran dan pengurusan akademik, meningkatkan mutu produktiviti dan efisiensi warga UNISSA termasuk pelajar dan mampu meningkatkan penyampaian pengajaran dan pembelajaran.

UMS menyediakan kemudahan bagi proses-proses kemasukan, pemilihan permohonan, pendaftaran, kedatangan dan pemarkahan peperiksaan selain menyediakan kemudahan bagi setiap pelajar melihat rekod akademik mereka secara online.

Dalam usaha membangun sistem



REKTOR UNISSA, Dr. Haji Norarfan bin Haji Zainal hadir selaku tetamu kehormat pada Majlis Sambutan Maulud Nabi Muhammad Sallallahu Alaihi Wasallam dan Doa Kesyukuran Sempena Ulang Tahun Penubuhan UNISSA Ke-8.

berkenaan, UNISSA telah bekerjasama dengan sebuah syarikat tempatan iaitu Cybernai eServices.

Majlis bertujuan untuk memupuk semangat warga UNISSA untuk menunjukkan rasa kasih sayang terhadap jasa-jasa Baginda serta membesarkan sejarah keputeran junjungan kita Nabi Muhammad Sallallahu Alaihi Wasallam dan memperingati penubuhan UNISSA serta memohon keberkatan ke hadirat Allah Subhanahu Wata'ala.

UNISSA merupakan sebuah 'Universiti Islam Tulen' bertaraf antarabangsa yang menawarkan pelbagai program merentasi disiplin ilmu berteraskan Al-Qur'an dan As-Sunnah. Penubuhannya pada awal tahun 2007, membuktikan komitmen dan kesungguhan Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam dalam memartabatkan Islam melalui pendidikan di bumi bertuah ini serta pembangunan ummah secara umumnya.

Dalam usaha membangun sistem



AHLI panel terdiri daripada mahasiswa-mahasiswi UNISSA ketika menghuraikan hujah pada sesi Forum Maulud Nabi.